



170
406

Bosnia and Herzegovina
Federation of Bosnia and Herzegovina

CANTON SARAJEVO
Ministry of Justice and Administration

13-02-2019

Broj: 03-04-05-2649/19
Sarajevo, 15.02.2019. godine

KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
Konaković Elmedina

Predmet: Odgovor na zastupničko pitanje

Na Trećoj radnoj sjednici Skupštine Kantona Sarajevo održanoj dana 23.01.2019. godine, zastupnik u Skupštini Kantona, Mekić Amel je postavio zastupničko pitanje za direktora Resića i menadžmenta PD Butmir, te je uputio zahtjev Ministarstvu pravde i uprave Kantona Sarajevo i Kantonalnoj upravi za inspeksijske poslove Kantona Sarajevo da uzmu u razmatranje sljedeća pitanja:

- 1. Da li je poznato davanje pod dugoročne zakupe zemljišta, kojim raspolaže PD Butmir, pravnim licima u nepoljoprivredne svrhe, protivno zakonskoj proceduri i uz minimalnu naknadu PD Butmir?*
- 2. Da li je praksa prodaje stanarskog prava u suprotnosti sa Zakonom o stvarnim pravima fizičkom licu bez znanja i saglasnosti starog vlasnika, tj. Kantona Sarajevo?*
- 3. Da li su upoznati sa sumnjivim okolnostima prodaje grla stoke bez ikakve transparentnosti u čestim slučajevima istim fizičkim licima uz minimalne cijene?*
- 4. Da li je poznat slučaj nepostojanja pravnog osnova za isplatu direktorske plaće za Mirsada Memiševića, kao ranijeg Direktora PD Butmir a nakon imenovanja novog VD Direktora Amira Karahasanovića, te na isti način isplata plaće Snježani Ljubunčić i Esadu Kaltaku nakon isteka mandata, razrješenja i imenovanja drugih lica za VD Direktora?*
- 5. Da li je poznata praksa nepreduzimanja radnji na regulisanju koncesionog odnosa za upotrebu bunara u krugu PD Butmir, kao i ne plaćanja naknade za eksploataciju vode utvrđene Odlukom Vlade Kantona Sarajevo, a u vezi čega je PD Butmir već tuženo za period od 13.06.2012. godine do 31.12-2013. godine, te da su najavljene nove tužbe za drugi period, čime je nanesena šteta PD Butmir u iznosu od više stotina hiljada konvertibilnih maraka?*
- 6. Da li ste pregledali provedene javne nabavke u vrijednosti preko 50.000 KM u posljednjih deset godina, sa posebnom pažnjom na nabavke od fizičkih lica bez procedure javne nabavke, pri čemu ima i lica rodbinskih povezanih sa uposlenim u PD Butmir?*



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241

Sarajevo, Reisa Džemaludina Čauševića 1



7. Da li ste upoznati sa praksom sklapanja ugovora o koncesiji bez saglasnosti Nadzornog odbora PD Butmir?,

8. Da li je nešto poduzeto po pitanju rješavanja stambenih pitanja ranije Uprave PD Butmir, dijela rukovodećeg kadra i jednog dijela radnika na poljoprivrednom zemljištu PD Butmir, pretvorbom objekata za nužni smještaj u objekte stambenog karaktera uz pokrivanje troškova tih postupaka na račun PD Butmir?"

ODGOVOR

Cijeneći navode zastupnika Mekić Amela vezana za rad PD Butmir, u odnosu na odredbe Zakona o organizaciji organa uprave u Federaciji BiH ("Službene novine Federacije BiH" broj 35/05) kojim je regulisana nadležnost kantonalne upravne inspekcije, cijeni se da ovaj Inspektorat nema ovlaštenja postupati po navedenim pitanjima, s obzirom da se u konkretnom slučaju pitanja ne odnose na stvari koje su regulisane po Zakonu o upravnom postupku, odnosno ne radi se o zahtjevima, pravima ili obavezama o kojima se odlučuje donošenjem upravnog akta, o kojima se rješava po pravilima upravnog postupka, niti se radi o primjeni propisa o državnoj upravi i radnim odnosima državnih službenika i namještenika, to upravna inspekcija nema ovlaštenja za postupanje u konkretnim pitanjima.

Naime, prema odredbama člana 144. Zakona o organizaciji organa uprave u Federaciji BiH, regulisano je da kantonalna upravna inspekcija vrši inspekcijski nadzor u općinskim i kantonalnim organima uprave u odnosu na pitanja iz odredbe člana 139. istog Zakona, a odnose se na poštivanje pravila upravnog postupka prilikom rješavanja zahtjeva građana i pravnih lica koja su uređena Zakonom u upravnom postupku, primjene propisa o državnoj upravi i radnim odnosima prilikom ostvarivanja prava državnih službenika i namještenika, načina provođenja administrativnog izvršenja, primjene propisa o kancelarijskom poslovanju, vođenja propisane evidencije.

S poštovanjem,

Dostaviti:

- Predsjedavajućem Skupštine Kantona Sarajevo
gosp. Konaković Elmedin

① Službi za skuštinske poslove Kantona Sarajevo



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

